

## La BCG investescha a Sedrun – ella construescha ina chasa d'abitaziuns e da fatschentas cun banca

Cuira, ils 25 da favrer 2013 – La Banca Chantunala Grischuna bajegia amez il vitg da Sedrun ina chasa d'abitaziuns e da fatschentas. Quest edificzi dat suttetg a la nova agentura da la BCG ed al nov center d'infurmaziun. L'emprima badigliada vegn fatga questa primavaira. L'october 2014 duain las localitads esser prontas.

Cun construir ina nova chasa d'abitaziuns e da fatschentas inclusiv center d'infurmaziun e banca suttastritga la Banca Chantunala Grischuna l'impurtanza da la Surselva. «Nus cartain vi da l'avegnir da questa regiun e vi da ses svilup economic», declera il commember da la direcziun generala Thomas Roth quest'investiziun pli gronda da la BCG a Sedrun.

L'edificzi nov vegn bajegià en in lieu central dasper il center communal. «L'architettura moderna satisfa a nossas autas pretaisas da servetschs da banca actuals», sa legra Christian Alig, manader da la regiun da Glion, gia sin la nova agentura a Sedrun. Per ina cussegliaziun professiunala che satisfa als basegns da la clientella procuran, sche tut va sco previs, dus collavuratur a partir dal 1. d'october 2014. Cumplettada vegn l'agentura da la BCG cun ina zona da 24 uras cun bancomat. «Noss project po era vegnir considerà sco impuls per la nova surbajegiada en il center da Sedrun», cuntinuescha Alig. Cun la construcziun nova da l'agentura rinforza la Banca Chantunala Grischuna ultra da quai sia preschientscha en Surselva.

Ultra da la nova banca datti en il center dal vitg in center da recepziun e d'infurmaziun per giasts sco era sis abitaziuns da 4½ stanzas che vegnan vendidas u affitadas. L'entir bajetg vegn erigì tenor il standard da chasas passivas minergia-p. Previs èsi da cumenzar questa primavaira cun las lavurs da construcziun. Realisà vegn il project dal biro d'architettura maurusfrei partner AG da Cuira.

### A Vossas dumondas respunda gugent:

[christian.alig@gkb.ch](mailto:christian.alig@gkb.ch), manader da la regiun da Glion | +41 81 926 21 00

### Il sector Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11.

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa l'114 collavuraturas e collavuratur (stadi dals 31-12-2012). En il chantun Grischun cun sias numerusas vals e pliras linguas, è l'interpresa represchentada cun 68 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 19,364 milliardas in gudogn brut consolidà da CHF 217,5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Radunanza dals participants:	23 da mars 2013
Rendaquint semestral 2013:	26 da fanadur 2013

chascha postala  
7002 Cuira  
Tel. +41 (0)81 256 91 11  
Fax +41 (0)81 256 99 98  
[www.gkb.ch](http://www.gkb.ch)